

1994eko aurrekontuetan zergen % 15 udalen esku uztea proposatu du HBk

Diruaren banaketan udalek partehartze zuzena izatea eskatu du

Datorren urteko aurrekontuetan zerga murrizten % 15 udalen esku uztea eta epe ertainerako portzentaia % 25era gutxitzea proposatu du HBk, udalen finantza arazoa konpontzen hasteko. Halaber, diruaren banaketa erabakitzen den erakundeetan udalek partehartze zuzena izatea eskatu du HBk.

JON ESKISABEL / DONOSTIA

Azken egunetan sortutako eztabaidaren haritik, udalek jasaten duten egoera ekonomiko larriaz kezkatu agertu da Herri Batasuna eta berau konpontzeko zenbait proposamen aurkeztu ditu. HBren iritziz, legeak «konpetentzia dezente» ematen dizkie udalei, baina konpetentzia horiek era egokian finantzatzera ez dute behar adina baliabide ekonomikorik.

Udalen arazoari «lehenbailehen» heldu behar zaiolakoan, 1994eko aurrekontuetan zerga murrizten % 15aren gestioa udalen esku uztea eskatu du alderdi abertzaleak. Horren arabera, Gipuzkoako kasuan Diputazioak udalen artean banatzeko aurrikusita duen 28.000 milioi pezetako (1.200 milioi libera inguru) diru kopurua 33.000 milioikoa izango litzateke. Hala ere, epe ertainerako portzentaia % 25ekoa izan beharko lukeela uste du HBk.

UPNk ez du osoko zuzenketarik espero sozialisten aldetik

A. UNANUE / IRUNEA

Nafarroako Gobernuak pozik hartu du Eusko Alkartasunaren erabakia —UPNren jokaera kritikatu arren, ez baitie osoko zuzenketarik egingo 1994eko aurrekontuei— eta jarrera bera espero du PSN-PSOEn aldetik, Miguel Sanz lehendakariordeak atzo adierazi zuenez.

Espero zitekeen moduan, EAK ez du onartu UPNk Foru Hobe-kuntzaren 29. artikulua aldatzeko egin zuen azken eskaintza. Jakina denenez, UPNk gehiago osoko sistema ezarri nahi zuen Nafarroako lehendakaria aukeratzeko, EA eta PSN gehiago soilaren alde badaude ere. EAren ustez, UPNk proposaturiko prozedura «anormala» da eta «ez du parekorik sistema demokratikoetan».

Hala ere, alderdi abertzaleak ez du osoko zuzenketarik aurkeztuko Gobernuaren aurrekontuen kontra, gaur egungo ekonomikoaren kaltegarria izango litzateke.



Udalen eskumenak zehaztu behar direla uste du HBk. ANDER GILLENEA

Bestalde, diruaren banaketa erabakitzen den erakundeetan udalek partehartze zuzena izatea eskatu du HBk. Euskal Autonomi Elkartearen Jaurilaritzak eta Diputazioek osatutako Euskal Finantza Kontseiluari dagokio ardura hori eta Nafarroan udalek iritzia azal badezakete ere, erabakia Gobernuak hartzen du.

Adolfo Araiz Mahai Nazionalen kideak 1979az geroztik udalentzat erabili den finantza sistemari «norabide aldaketa» ematea eta udalen «finantza autonomia» bermatzea eskatu zuen. Ildo horretan, udalek pilotutako zorraren birfinantzaketa orokorra planteatu zuen Araizek, birfinantzaketaren zutabeak Diputazioak eta aurrezki kutxak izanik.

Xabier Olano Gipuzkoako batzarkideak azaldu zuenez, Es-

painian udalek % 10 gestioatzen duten bitartean Europako zenbait Estatutan, esaterako Erresuma Batuan, % 60 gestioatzen dute, kontuan hartuz hemen baino askoz zerbitzu gehiago eskaintzen dituztela. Hau dela eta, HBren iritziz, finantzaketa sistema egokia izan dadin, aurretik zehaztu beharko lirateke zeintzuk diren udalen esku dauden zerbitzuak eta horren arabera dirua banatzea. Lurralde Historikoen Legea aldatzeko prest azaldu zen HB.

Horretaz gain, HBk proposamena aurkeztu du Hego Euskal Herriko lau herrialdeek udalen finantzaketarako irizpide berberak erabil ditzaten. Irizpide horiek «objektiboak, berdintasunezkoak eta zuzenak» izan beharko lukete, HBren iritziz.



Miguel Sanz.

LACALLE

du. «Ezin dira Jaimeren azalpenak bere pentsamoldearekin nahasi», adierazi zuen, «maiz esaten duena ez delako esan nahi duena eta, horregatik, esanahia hartu behar da aintzat».

Horri lotuta, Mujika etxeiko biztanleei buruz esan zuena, beren jaioterrietara itzuli behar dutela, alegia, bidezkoa dela uste du Sanzek. Bere irudikoz, alkatea ez da arrazista, baizik eta «denok, Gobernuak barne, ahapeka esaten duguna ozen esaten duela».

ALFREDO JAIMEREN ALDE Alfredo Jaimek sozialistekin izan duen polemikari dagokionez, Sanz Iruñeko alkatearen defentsan mintzatu zen. Lehendakariordeak esan zuenez, Nafarroako Gobernuak bat dator Iruñeko Udalen hirigintza eta etxebizitza politikarekin.

Sanzen ustez, jendeak errazegi eta argudiorik gabe hitz egiten

Bihar bilduko dira Madrilén Zubia sailburua eta Saavedra

GASTEIZ

Joseba Zubia Eusko Jaurilaritzako Lehendakaria eta Garapen Autonomikorako sailburua Jeronimo Saavedra Espainiako Administrazio Publikoetarako ministroarekin bilduko da bihar Madrilén. Elkarriketaren helburua informazioa trukatzeko izango da Jaurilaritzako iturriek jakinarazi dutenez.

Estatutuaren garapena ez dago bi agintarien gaizerrendan. Lehendakariaren iturriaren arabera. Hala ere iturri hauek ez dute aukera hori guztiz baztertu. Hartu-emanaren xedea funtzio publikoak aztertzea izango dela baino ez dute jakinarazi.

Asteazkeneko elkarriketa EAJk PSOEn zituen negoziaketak amaitutzat eman ondoren egingo den lehena izango da. PSOEek ez zuela Estatutua garatzeko borondateirik argudiatu zuen EAJk akordioa lortzeko negoziaketak bertan behera uzteko.

Erabaki hau hartu aurretik EAJko eta PSOEko ordezkariak hainbat bilera egin zuten transferentziei buruz hi-



Joseba Zubia.

GILLENEA

tzarmen bat erdiesteko. Legebiltzarrak 54 transferentzia gauzatu barik daudela ebatzi zuen eta PSE-EE ebazpen horren alde azaldu zen.

Jeltzaleen iturriek jakinarazi zuten, transferentziak lortzeko aldarrikapen abertzaleei amaiera emateko eskatu zion PSOE. «Estatutua azken aldarrikapena den jakin nahi dugu garapenari ekiteko», esan omen zion EAJko ordezkariak PSOE Jose Antonio Ardanza lehendakariarekin.

Unai Parotek ez du onartu epaitu behar zuen epaimahaia

MADRIL

Unai Parot epaitu zuten atzo Madrilgo Entzutegi Nazionalan, Espainiako Armadako koronel baten eta komandante baten hilketan parte hartzeaz akusatutik. Unai Parotek ez zuen onartu epaitu behar zuen epaimahaia eta epaigelatik irtetea eskatu zuen. Epaimahaiburuak Unai Paroten kanporaketa agindu zuen eta Eduardo Fungairiño fiskalak «koldarra» deitu zion Paroti. «Akusatua koldarra da ez dituelako bere gain hartu nahi izan bere ekintzaren ondorio judizialak», esan zuen fiskalak bere txostenean.

Fiskalak 85 urteko espetxe

zigorra eskatu zuen Paroten kontra, atxiloteta garaian Goardia Zibilaren aurrean eta epaitegiaren aurrean egindako deklarazioak oinarritzat harturik.

Terrorismoaren Biktimen Elkarteak abokatuak Estatuari legedia aldatzea eskatu zion, Parotek «eguzkiaren argia berriz ikus ez dezan». Paroten abokatuak absoluzioa eskatu zuen eta defentsaren eskubidea bete ahal izateko Valdemoroko kartzelan izandako eragozpenak salatatu zituen. Epaketan, koronelaren eta komandantearen gidariak deklaratu zuen lekuko gisa eta ezin zuela akusatua ezagutu esan zuen.



ASTEASUKO UDALA IRAGARKIA

Udal Batzarrek 1993ko urriaren 18an egindako bilkuran hasieraz onartu ditu Planeamenduko Arau Subsidiarioak, Jose Miguel Tolledok idatzitakoak. Horren berri ematen zaio jendeari, hilabeteko epean, iragarki hau Gipuzkoako Aldizkari Ofizialean argitaratu eta biharamunetik aurrera. Jendeak aztertu egin ditzake Arauak birtarte horretan, eta halaber, egoki irizitako erreklamazioak egin ditzake.

Jarraian zehaztuko diren esparruetan bertan behera gelditzen da baimenak ematea, zeren eta Arauen zehaztapen berriek esparru horietan indarrean dauden arauak eraldatzen baitituzte.

Esparru horiek ondorengoak dira: lurzoru hiritargaria, lurzoru ez-hiritargaria, 1. sektorea eta 4. sektorea. Urtebeteko epean geldituko da bertan behera baimenak ematea.

Asteasu, 1993ko urriak 26. ALKATEA